

AHMED TIMOL, die Indier wat hom doodgeval het uit die tiende verdieping van John Vorsterplein in Johannesburg, was saam met sy trawante besig met 'n veldtog wat kon lei tot massamoord en sabotasie in Suid-Afrika.

Bloed maak sy briewe leesbaar

DIË TRAWANTE, THURSDAY, 25 APRIL 1972

Deur Ona Lombard

BESONDERHEDE oor geheime kodes vir die hoofsele (van die Kommunisteparty in Suid-Afrika) asook vir sub-eenhede van die party is met onsigbare inks op die agterkant van "onskuldige briewe" uit Londen aan Timol gestuur.

Verseke van die briewe wat deur 'n geheime metode leesbaar gemaak is, is by die hof ingedien vir die geregtelike ondersoek na Timol se dood.

'n Streng instruksie i.v.m. die kodes aan hoofsele, is dat lede die kodes moet memoriseer en dan onmiddellik moet vernietig.

'n Voorbeeld van die briewe wat Timol van die Kommunisteparty in Londen ontvang het, word op die foto hiernaas getoon. Die eerste gedeelte: "My dearest Ahmed, Paul has asked me to let you know..." en wat daarop volg, is in gewone leesbare skrif geskryf.

In al die briewe handel die leesbare gedeeltes oor gewone, gemeenskaplike onderwerpe soos die weer, toestand van strate in Londen en ander dinge. Op die agterkant van die brief-bladsye was die instruksies en boodskappe aan Timol in 'n geheime, onsigbare skrif wat alleen uitgebring kon word deur 'n ander geheime metode.

Bloed en gedistilleerde water moes o.m. gebruik word en dan eers was die boodskap sigbaar soos in die onderste gedeelte van ons foto gesien kan word. (Die foto is van 'n afskrif van 'n oorspronklike brief).

BOODSKAP

In dié geval was die boodskap, wat net vir Timol se oë bedoel was, dat 'n geskenk aan hom gestuur word wat duisend pamflette bevat. Die pamflette sou verpak word in 'n doos tee.

Ander geheime boodskappe wat in die hof ingedien is, bevat gelinkwensinge aan Timol met die vordering wat hy maak, "on the difficult mission which you have accepted. We are confident that you will go about them with all necessary care and that you will ensure all necessary security."

Timol word gevra of 'n lys met 8 000 name uit die telefonists kom. Hy word versoek om aan die mense in Londen 'n "skoon adres" te stuur sodat "materiaal" daarheen gepos kan word.

Meer besonderhede word i.v.m. 'n maandelikse studentenuusbrieff gevra wat Timol genoem het.

'n Resep om buskruit te maak word in fyn besonderhede verstrek.

Die resep vir geheime inks word ook gegee: 'n halwe eet-

Hierdie getuennis is gister in die streekhof in Johannesburg gelewer deur lt.-kol. W. P. van Wyk van die Veiligheids-polisie. Dit was by die geregtelike ondersoek na Timol se dood.

Laasgenoemde is verlede jaar in 'n padblokkade by Johannesburg deur die polisie aangekeer. Dit was die begin van polisie-optrede wat gelei het tot die inhegtenisneming en aanhouding van talle mense in die Republiek. (Berig op bladsy 5).

In gister se hofverrigtinge het dit onder meer aan die lig gekom:

● Dat Timol leier was van een van die hoofsele van die Suid-Afrikaanse Kommunistiese Party wat nou sy hoofkantoor in Londen het.

● Geheime briewe in onsigbare inks is uit Londen aan Timol geskryf. Dit was op die agterkant van briewe wat gehandel het oor koeltjies en kalfies.

● Met 'n paar druppels bloed en gedistilleerde water is die onsigbare boodskappe sigbaar gemaak.

● Timol het aan kol. Van Wyk in die loop van ondervraging gesê dat hy weet dat hy 20 tot 25 jaar tronk toe kan gaan, dat sy opdrag was om die dokumente wat by hom gevind is (tydens die padblokkade) te vernietig. Baie gesinne en mense sou ly omdat hy nie sy instruksies uitgevoer het nie.

Kol. Van Wyk het getuig dat hy om 2.30 v.m. op 23 Oktober na Johan Vorsterplein ontbied is. Twee polisiemanne was by Timol in 'n kantoor op die negende verdieping.

Mr. P. A. Kotzé, die assistent senior aanklaer van Johannesburg, en mnr. A. Bekkes, 'n tree namens die Staat op. Mr. I. A. Maiseis, 'n opdrag van mnr. G. Bizos (in opdrag van Kachalla en Loomat) tree namens die Timol-gesin op. Mr. S. A. Shillens (in opdrag van die staatsprokureur) tree namens die Polisie op.

Hy het dokumente wat in Timol se besit gevind is, nagegaan. Timol het gesit en getuie het hom gevra om alles oor homself en wat hy weet van die saak, uit te tik. Hy het gesien die saak sal groot wees en het 'n kaptein Van Niekerk van Pretoria laat kom om te help. Hyself was tot laat die middag besig met die ondersoek.

● Vervolg op bl. 5, Kolom 1